

悅
親
樓
詩
集

悅親樓詩集卷五

起庚寅六月至七月

海寧祝德麟止堂

古今體詩七十九首

奉使西蜀出都門卽事

一鞭遙指上青天
乍出春明意豁然
十里山容濃不斷
槐花如雪柳如烟

宿固節驛

西山送我行
回首青一髮
滔滔桑乾河
洪濤正出沒
遐征歷鄉國
此夕初程歇
茅店伴清暉
猶是長安月

陸耳山典試粵東與余同出國門
旣次涿州示詩誌別以明發卽分途也奉答

信宿聯鑣指異邦前旌相望影幢幢
鑑衡合讓宗工最聲譽難儕國士雙
明日使程分蕩節一宵別緒話銀缸
只應萬里當頭月流過珠江到錦江

琉璃河二首

鐵槍傳是彥章遺十丈寒芒壓水湄
神物從來多傳會豈真豹死尙留皮

玉練沈沈澹夕霏琉璃如拭靜朝暉
鞭絲七度橋邊過不見鴛鴦比翼飛

望都道中二首

官柳交微颺野田趨眾水夾岸芡菇青
時有驚鳬起馬前雨氣昏馬後明星皎
幾點太行山模糊青未曉

早發新樂縣

鮮虞城外古雲平
鈴馱郎當簇騎行
最是征人貪曉霽
亂蛙聲後亂蟬聲

藺相如墓

尺璧連城議已虛
咸陽湯沐請何如
迴車可避將軍怒
擊缶難饒御史書
樽俎光生危辱際
虎狼威屈笑談餘
邯鄲終古非秦趙
白草荒岡尙故墟

次獲鹿縣

蓐食渡滹沱
盤迴徑曲阿
人家鹿泉上
山色夕陽多
高岸雙門闢
清流一澗過
明朝尋石磴
十步九捫蘿

由獲鹿山行歷井陘至柏井驛四首

雙壁狀人立天風吹我寒土門開一綫磴道折千盤向
背愁猿惑東西駐馬看劒山峯似劒可想劒關難
井縣小於井緣山築少城劫灰秦與趙地軸冀連井嶂
作當窗色灘流到枕聲遷修遺史在懷古思縱橫
徑轉疑無地峯迴別有天雨雲衣上落石羣馬頭穿人
跡不到處犬牙相錯然文章須峭拔平衍定難傳
似有熊羆守陁關四扇開中央天險踞雙戒巨防來巖
邑勞邊角 清時罷埃臺莫興廣武歎憑眺亦雄哉

井陘傷古

澤鑿五千士蟲沙底處尋如何解圍後竟中奪軍心羊
左誠難繼侯王卒見禽只餘泚上水流恨到如今

柏井驛雨宿

主人戒館餐游子陟岷岵啟軫春明門算程已倍五淋
滴冒淫潦酷烈觸煩暑股慄井州山所至嘗險阻男兒
志四方豈能戀故土況復被寵命踴躍力當努百里
半九十借枝息倦羽蕭蕭傳舍中閭寂寞儔伍村塢號
荒雞虛堂走鬪鼠不寐何所懷尸饗懼乏主翻念父母
心作息惟兒與兒行已幾時兒游歷何所兒食可加餐
兒眠可安處往返十千程程指暗數晨起藥吞丸宵
征衣著褚客子行自憐不遺親疾苦刻日赴王事作詩
紀行旅何處最關情一夜恆山雨

冒雨自樂平出南天門至芹泉驛二首

盤輿度四山忽入穹蒼表其下舞潛虬其上絕飛鳥日
日山中行翻失山容好耳已熟雷礪目亦窮窈窕夜發
臯落墟僕馬半顛倒嵐浮雨易生山障天難曉晨鐘出
幽谷乃識村雞早稅駕上艾城飽餐更戒道濛濛雰霧
裏隱現鉤梯矯窘步竟躡巔一髮陵高標俯瞰眾皴堆
拱揖兒孫小眼力爲區分烟雲故繚繞造物特蟠鬱及
此舒其巧欲繪清景真回頭記已杳

登降雖云疲清暉落吾手一出南天門山色漸巖醜土
岡漫猙獰赤石相背負危途不十里溪澗互八九殷地
雷鼓鳴拔浪鯨魚吼砰訇潮汐埤南方謂海潮起雜沓
戎車蹂夜雨百重泉奔溪溪不受百夫輦之趨跋前更

憲後吾輩官在朝區區牛馬走默思食力徒役使任左
右或如曳尾龜或同喪家狗跬步皆
主恩對之顏增厚水聲雜人語似聞瀧吏訴忠信質鬼
神履險庶无咎

卽目二首

山與天爭高水與人奪路我具精進心水亦攔不住
天山兩相離孤雲與之接認得雲路清天門不難入

土窯

寶山爲園室無梁棟

孰以拔蚺力而爲築室謀風仍陶穴古山到晉陽秋寄
跡同秦贅藏身抱杞憂吾廬原似甕今夕作蝸牛

榆次食瓜八韻

未問青門種初嘗榆次瓜冰

去聲

來香美列副去蕪橫斜

萍實流漿滑檀心著子奢靈津回舌本方物配天花

天

出五

臺山哈密涼州貴鹽官浙土誇

浙瓜以鹽官種爲最

貢餘沾

御

食鄉味憶田家直欲傾金橐翻愁壓使車老饕聊屬饜
隨分是生涯

祁縣立秋

策馬西河路今朝又立秋人隨燕俱客家見月應愁望
關腸紆軫懷鄉道阻修麓臺山畔柳故故拂人頭

李陵墓

不還卽死兩俱非多事蘇卿尙勸歸漢土不埋降將骨
好畱青塚傍明妃

綿上

從者二三子
匹人十九年
貪功臣亦繆
偕隱母眞賢
忌坂空殘燒
清明尙禁烟
五蛇俱已矣
無恙舊綿田

過韓侯嶺謁侯祠墓二首

曾在逋臣列
誰將國士看
奇謀如蒯左
知己似蕭難
靈石標侯嶺
陰風颯將壇
良弓藏未得
飛鳥暮雲端
胯下橋邊過
曾吟弔古章
恩猶酬漂母
德豈倍眞王
拜墓攀楊白
捫碑剔蘚蒼
汾河鳴咽水
聲似釣臺旁

趙城度豫讓橋

操斗殺代王
衷甲滅智氏
包藏禍心趙
襄子夏屋山
頭長已矣有
客潛行手利
匕漆身吞炭
跡奇譎拔劍
斬衣

卷三
三
氣披靡馬鳴蕭蕭風日寒模糊血濺橋邊水吁嗟乎美
女入室爲良人國士殺身報知己誰與合傳杵臼嬰彼
哉荆聶徒一死

雷首山下作

我從汾隍來言嚮風埵宿鬱鬱中條山脈維雷首伏跨
縣各擅名首尻實聯屬紀異譌隴西搜奇詳郭璞茲山
通磅礴四達不可東西盡長河滄東起太行麓氣勢鎖
關門抗衡揖華嶽孤標絕地雄秀色倚天矗晴雲會峯
隙飛瀑挂巖腹冰肌接姑射綽約鬪膏沐瀟灑好蒲津
終朝在深綠永懷采薇子高風久緬邈亦有司空圖投
老王官谷何能訪韓終誅茅於此卜秋風使節過無心

弔幽獨紆途頓歷覽且喜豁游目後乘碾難花前旌拂
修竹明朝一羣杭矯首金天肅

飲河東郡齋觀太守楊澄齋瑾偕永濟李明府

友洙

較射次早打魚爲樂食魚而美別後奉寄

楊公臥鎮河東都十年不調一事無飛揚豪氣不可滅
射堂日校金僕姑李侯恂恂本儒吏近適移官赤緊地
才長政舉無要衝送往迎來有儲備繫余持節向巴蜀
假道蒲津暫休沐馬蹄躑躅首山陽楊公邀我開黃堂
金叵羅酌桑落酒咄嗟而具燔魚良召令雅會屏絲竹
賓筵秩秩弓矢張秋鷹對舉眼前掣余獨百罰手斂薑
須臾燈火林亭下食單細雨莓苔藉小坡出誦文選詩

鵝鳳聲清鶴子和曲池碧水濃於膏歡呼歌嘯驚鰭鯈
啟明星皎未肯放漁人截網奪人刀丙穴漢陂徒瑣瑣
加餐一飽翻蕭騷人生快樂安可極況復前路登叢遙
君不見鸛雀樓頭風色遽我亦搖鞭背花去

風陵渡渡河

黃流迴一曲壁立夾雲松樹色連秦界河聲斷華封難
尋媧氏穴猶認巨靈蹤亂渡秋風裏憑開萬丈胸

潼關

左輔桃林塞憑高勢插霄孤城趨太華隔岸挾中條魏
國山河美秦關百二驕披猖天寶日失守坐金貂

華陰偕鄧筆山檢討禮嶽卽登萬壽閣展眺二

首

廟與山齊不記年
魏宮配極鎮金天
冕旒似帶森嚴氣
斧鉞原操殺伐權
古樹種從姬代上

老子青牛樹在廟門外

黃河

挂在殿東偏
始知白帝威靈遠
直過崑崙宿海邊

面山飛閣勢陵空
策足危梯望不窮
碁布殺函三輔外
杯流灋渭八川中
仙人掌近芙蓉接
玉女峯低翠黛通
徑欲與君分一半
穩騎鸞背踏罡風

紀信廟

誑楚甘投烈燄紅
遂令黃屋定關中
他時裂土封人狗
爭數蕭何第一功

渭南道中

風明澗曲波月上豐原樹不知秋氣生齊向秦川赴遙
望終南山白雲自來去

新豐

殘劫長安道新豐尙故邨分羹情已忍卻帶禮緣尊雞
犬斜陽散粉榆宿霧昏如何天下養只與仲評論

驪山溫泉

華清宮閣莫雲邊無復霓裳舊筦絃詞客若談天寶事
唐時明月照溫泉

霸橋二首

路指邯鄲淚暗傾霸橋東望不勝情南山石柳終黃土
枉遣靈和鼓趙聲

絲絲和雨復和烟披拂征途最黯然終古行人攀不盡
尚畱殘樹帶秋蟬

咸陽懷古二首

金虎宮鄰事已遙雄圖想像祖龍驕闢開萬古官家局
夢斷三山海水潮白璧尙疑天帝醉黃泉猶認八州招
誰知卽借燒書炬燒得阿房土盡焦

忽然亭長作官家創業寧徒馬上誇禍水未防身後雉
天心終斷道前蛇金刀厯數開基正鐘室功臣報施差
一樣寵姬輸項羽楚歌歌罷恨無涯

通天臺故址

清渭流無極高臺跡已平尋常興廢事何與沈初明

茂陵二首

君王服食好長生青鳥瑤池不世情
試向集靈臺上望阿環西去歲星明

白茅簇立羽衣新甲帳秋風乙帳塵
今日茂陵松柏路不須重致李夫人

李夫人冢去陵西北數步

馬嵬四首

東都烽火照關紅花萼樓頭宴未終
天子蒙塵妃子死

一朝

馳遙切

人事太怱怱

四十餘年享太平臨危恩禮欠分明
將軍不比韓擒虎曾事君王典禁兵

元之政事廣平叅誰蠱君心逸欲耽
若使開元初歲八

也同鐘鼓樂周南

兒養豬龍事有無老臣曾請殺胡鵠一篇金鑑封塵匣
卻把滄桑怨彼姝

讀織錦迴文詩題後

一絲一字怨歌勞列宿天文隻手操不是連波能悔過
也應呼作女離騷

寶雞道中懷古

策馬扶風好時秋雍岐歷歷在前頭可憐秦地山河固
不及陳倉賣酒樓

寶雞初入棧

行行歷鳳翔前歧分隴蜀昨日望中山今朝山下伏掌

管益北門設險岐南服壁立插天關旁趨圻地軸危梯
窮一綫俯瞰無平陸故術熟獼猴新蹊用樵牧陰崖生
雨雲陽嶺移晴旭氣候變東西往迴雜涼燠山中百泉
水轟作雷車逐奔騰注一溪偏與巨石觸石攔水益怒
跋扈相陵蹴何人架飛梁窳窳度馬足單車走仄徑攀
捫已卷局槎枒出雲根故向人頭撲崖欹路每掩徑轉
嶂仍復鬱鬱萬樹林中有盤古木身擠不容放多直少
樛曲卻遭不死藤牙鬚苦縛束山果隨意紅瑣碎失名
目時聞嘹亮聲鳥啼隔幽谷陂陀半峯罅偶一著茅屋
蕎花糝微丹瓜蔓延眾綠指願生面開游衍幽賞獨險
惡十三程發軔初戒僕巍巍煎茶坪西接鳳州隩傳云

巖壑間頗歌仙靈族方今

聖德昌會須鳴鸞鶴莫向紫柏山求仙問辟穀

鳳嶺

內外虵鬪泉高下獅蹲石前途啼山魃後路躡木客肩
輿度此中顧盼嗟實逼是非上瀨艤綽綽何絡繹飛閣
鬱嵯峨舉首去咫尺資緣十八盤翻被浮雲隔隣照密
箐青月閔陰洞黑犖确徑雖微當年費開闢買勇造絕
頂星宿相離卽旁臨萬丈淵坎窞不可測崩崖布其外
如鳥跂斯翼飢蛟顧我喜徑欲甘心得斂趾降蹇陂直
視下無極日中所見屋薄暮始入息水聲通洋漢天界
限雍盆騁望空翠浮歎歌清秋寂茲山蘊靈異盤踞南

岐側姬家肇發祥有鳥鳴周德仙子廟黃精幽人采紫
柏豈無石髓列救汝塵容瘠脫身豺虎叢眞宰杳難覓
二王更何人慎旃子行役

紫柏山經畱侯倅穀處

謀身惟四皓蝨視漢侯王孰是非熊侶而求倅穀方前
籌黃石祕歸路赤松長歎息淮陰輩良弓竟未藏

七夕次南星有寄二首

驛騎迢迢論過秦靈查孰與問河津也應防卻牽牛妬
莫把支機石贈人

畫睂聲裏踏千山不盡雲峯擁翠鬟記得畫睂橋下別

明朝又度畫睂關

畫睂橋在
吳江平望

柴關嶺

水怒雲愁鳥語歡柴關立馬望中寬
諸峯腳底小于豆身在半天風雨寒

十里三家店

十里三家店民風漸雜氏癭懸人似柳虎逼命如雞
木梯漂流駛杉皮蓋屋低殘丁供緯緯當戶賣漿妻

觀音碓西徑雞頭關次褒城縣

青天盡武關迴轉西南路巖巖觀音碓擎空作飛渡
累石如刊鰲負戴將顛仆爭流萬壑泉併向龍湫注
陰嵐受夔蝸寒噓却烏兔隨刊役鬼勞鑿削防天妬
中丞昔煨石曾觸山靈怒夜半走雷公眞宰方上訴
空餘風雅

流苦挽征驂駐大書復深刻沈筆兼宋賦平生耽歷覽
探幽疾成痼六日褒斜開名山亦無數萬狀逞譎詭習
見翻成故但覺寒氣生陽冰此疑互雞頭昂然來詆蕩
雲中顧巨鵬振雍梁雄冠撥烟霧袤延互七盤藤蘿莽
迴互前輜後卻軒左低右仍牾曳掣想駕尻攀援愁窘
步憑懷僥倖心亦發修省慮振衣獨憑闌高閣嶺頭踞
對面千仞岡仰接奔崖樹深谷吼銀濤眾峯披冒絮一
空前所經指顧失依據迴眸忽清曠泠然以神遇烟水
澹無垠蒼茫漢襄暮大哉造化功變幻誰能悟吾身未
羽毛竟共飛翰度出關馬足輕卽次旅覓豫一夕宿褒
城夢向天門去

雞頭關望漢中

一髮雞關險千峯鳥路長
陡然山盡處下視豁青蒼
沔水流天外荆門控夕陽
當年興漢日終始設壇場

沔縣謁諸葛武侯祠墓

投營星象角森森何處屯田渭曲尋
沔水尙畱遺命冢
漢家終負出師心
餘威八陣風雲壯私祭千秋伏臘深
他日錦官重弔古惠陵封樹共霑襟

百牢關

乍卽平夷路巖疆限百牢
出關秦地盡入峽

五丁峽蜀門

高雜種氏羌革陰崖虎豹逃
魏哉思禹績疏導此先勞

金牛山

頓覺風雷逼擡頭古峽門天連雲物小山作畫癡昏百
折金牛路千啼蜀鳥魂五丁亾國手畱得斧斯痕

大安驛寄內

白髮分南北遙憐子舍虛更誰供菽水未免倚門閭兒
小煩拘檢家貧愧拮据使程還有日不寄斷腸書

寧羌州夜雨

夢繞巴山古驛亭溼螢明滅火流青西風特作去聲瀟瀟
雨併入秋聲此夜聽

慎交一篇黃壩驛悶坐答雷峯

形影不強離枿鑿不強合玉石利錯攻薰蕕惡參雜人
生天地間流景熟羊胛朋簪變幻境往往等螻蛄華歆

勢利徒割席恐不急張陳刎頸交末路胡啜泣乃知友
道危不必異車笠所貴矢初心終身無燥溼與君交十
載意氣何投納千里駕往還萬里書稠疊子水吾其魚
余舟汝作楫非徒管鮑期直欲左羊歷豈無閒慝口膠
漆難離隔叶結契在性情何關文貌洽憶余歸娶日鶴
羽翩然集葆光西舍下親手埽塵榻今朝入益星天文
占李邵子轉宦長安風儀不可接黃河注曲流春風萌
故葉聖人戒甘醴君子慎輔頰細雨啼哀猿秋山叫鷓
鴒三復贈行篇滂沱淚盈睫

朝天鎮阻雨簡筆山入棧以來往往數日不相
見并邀其泛江至益昌也

出棧復入棧雙鑣聯四服和音鸞鶴諧比體駢蛩鞠吾
曹奉明命泣事敢不肅盟心但飲冰守身如執玉入
境先問禁出使宜從俗周旋戒艮趾蒞障利豐屋卽次
對宇衡寤言隔信宿所愧咫尺閒相思時六六行盡褒
斜口膏秣朝天麓漏天無常晴雨師來不速滂沱沛晚
霖霰繼收晨旭褰帷一馳望見險增瑟縮碎旬雪瀑飛
突兀雲峯矗馬驚跋涉難人畏泥塗辱頗聞嘉陵江昨
宵新漲足援啼兩岸山鳥喚千崖竹舟行已快心光景
況清淑約借利州風鷁頭泛鵬綠

朝天鎮泛舟抵昭化縣作

北人喜就陸南人喜乘流殊方各異性遷地難爲謀我

家花溪曲面面韡紋周生長不識馬動卽圈篷

船名求早

歲偶通籍七載京國畱譬彼鴻漸木卻被洵河羞今茲
華陽役旌旆驅悠悠樓閣少夸易關梁更阻修行行次
葭萌隱隱聞棹謳急呼候吏問有水通潼涪風淪碧玉
皴已覺開心眸天公一夜雨浪拍牛頭浮陵晨便解纜
李郭神仙舟不待百丈牽疾如束矢搜塵容照明鏡風
物當清秋隨磧下黃鸝迎人戲白鷗雙飛夾峭壁倒蔭
松篁幽壁間刺篙眼錯落蜂窠稠蜀山幻萬狀處處懸
梯鉤不渡嘉陵江奇勝非全蒐一閣窮鳥道上有飛仙
游一閣刻千佛十笏大九州巴歌雜渝唱鳥樂和猿愁
遂令江湖志曠然不可收朝發朝天關暮抵昭化郵已

蘇僕馬困況與鳬鷺儔益昌抱殘堞陸海餘輕漚雲圍
千谷亂月弄雙江柔采風竝稽古所歷爰咨諏再拜何
易于今有斯人不

嘉陵江棹歌二首

雅州雨雜利州風白水嘉陵到處通只怕上灘牽百丈
杜鵑聲裏鼓逢逢

郎如桔柏江心水妾似飛仙閣頂峯九面向郎朝暮望

江波流到會相逢

桔柏水至昭化縣城外與嘉陵江合流

牛頭山登天雄閣

西征歷百艱始抵葭萌郭大造未肯平權輿壯鎖鑰
靈昔好事意欲剗碧落鑿開牛頭山仄磴陵垠堦後世

據險要當關置飛閣洵哉天下雄憑眺增錯愕其肩倚
龍門其股枕井絡俯矚浮雲興側聽輕雷薄茫茫枯柏
江信與嘉陵約未到益昌城分流襟帶各萬籟鳴深林
千尋裂大壑山魑獨足窘鷲鳥雙翰弱輿丁矜盛氣僂
健逾猱猱下嶺尻益高騰空胸漸拓迴思泛烏奴兩日
息腰腳復此亂山中前頭雙劍鏑

雨入劍門

李杜雄詞省得無題名不敢索詩逋歸時但乞蓬心老
爲寫騎驢入劍圖

入劍關未有詩筆山苦索勉應一律

一州斗大白雲埋十萬橫磨壓頂排城郭象形詩聖杜

工部詩謂山形似崇墉非實指城郭也摹寫逼真

丹蒼餘燬古皇媧懸車束馬

悲入國絕地通天騁壯懷到此始知才分小停鞭空自讀摩崖

次筆山劍南道中韻

翠屏歷歷豁烟霏閣道巉岈取徑微九域盡頭雙劍出萬山深處一天圍勒銘才許劍神筆陟岵心驚換袷衣看盡蜀庸天下險據鞍脾肉不憂肥

武連山行

崖如海浪傾石作圭稜露五子落手中暝烟又封住立馬問樵夫投宿知何處只隔數重雲憑君下山去

秉炬夜行投武連驛宿

暮雲沈沈壓馬耳，興夫有足難舉趾。一呼村集百炬然，似有鄉爲田燭禮。危梯曲磴細步行，宿猿哀叫棲禽驚。暫向山中作宰相，居然烜赫來火城。人生前路皆漆黑，照耀仗汝光明力。投身驛舍已二更，有人疑我開山賊。

梓潼二首

詞賦知名未薦初，陵雲氣已識相如。高文典冊千秋重，

身後胡畱封禪書。

長卿山云是相如讀書處

梨園歌管奉宸娛，繞殿惟聞萬歲呼。運去不知行蹕貴，

聽來鈴語亦揶揄。

郎當驛

羅江縣懷雨村

西南利得朋冠蓋，慎取友小小交。蜀人雷前復李後，與

君相識初盛氣壓儕偶羣公每動色老宿嘗卻走作詩
不加點終朝可百首勇如赴三軍富必誇八斗退之苦
割裂少陵愁攘捫奇才賦自天志欲期不朽校書天祿
閣掌故同獼猴一旦奪鳳池累累喪家狗移職隸山公
題目實左右公退燕寢暇狂吟習仍狂尊甫官燕浙善
政入人厚鬼神厄其軀倉卒罹殃咎去年霜雪零送君
扶廣柳涕淚作哀辭相看顏色愀茲余忝 朝命倭遲
驅四牡冀雍文獻區梁益高深藪倦眼時一開奇光發
豐蔀細讀盡君詩墨漬牆頭黝使臣戒扞跬步維身
守過君父母邦不敢問誰某心事詎有他瓜李嫌非苟
一夕潯江亭鬱勃思君陡聞君美田園負郭曾幾畝繞

屋萬株松植自先人手一經教有子二簋享有母插架
多異書力探大小酉唱酬昔已多離索今已久思欲味
新篇急如涎在口從來名下士易速毛疵詎覓句尙矜
嚴勿被狂夫肘短章紀贈處歸路無猜耦他日問雷峯
其然余言不

悅親樓詩集卷五終

門人王蔚宗校字

悅親樓詩集卷六

起庚寅八月至十一月

海寧祝德麟止堂

古今體詩八十二首

皇華館懷湯萼南丁芷溪王露仲諸前輩及孫
補山郎中

翰林文章逼華蓋微生猶及覩前輩良工善度梁棟姿
皇華先後持衡代萼南學士人中豪落拓一官如馬曹
與人盎盎溢春氣立朝風骨盤霜雕芷溪給事何豁達
肝膽照人如雪月繡衣一脫便不官日向閒窗理書帙
天姿機警侍講王雄才超越龍駒驤時偕二老過我舍
落葉聲中燈燭光補山補山爾何似才氣能當大敵壘

去年橐筆永昌軍，蠻烟瘴雨幾瀕死。卻磨盾鼻草露布，
左右上公報。

天子兜鍪纔脫著，章甫又駕星輶向湘水。繫余繼跡到
錦官，同是天涯行路難。有人寂寞秋風裏，引領三荆六

詔閒

時露仲使滇
補山使楚

萼南以事奪職發榜日，喜聞復授編修且預京

闈分校

老去憑誰惜

君恩自始終，儒冠歸白髮。師道重青宮，舊影花輒日。
新聲棘院風，蒼松畱本性。霜露曲成中。

鹿鳴宴罷還館示筆山二首

鎖院流光過隙遄桂花香裏敞華筵班聯簪紱羣工集
恩禮笙簧雅奏宣本擬積薪君在上翻憐簸粃我居先
諸生莫詫容顏少已是荀郎作督年

辛苦初心每自捫協恭終賴古歡敦歐梅此座原難稱
揚馬奇文可重去聲論未必無雙收國士從今一倍感師
門請看階下攀龍者廢爾朝餐廢我飧

八角井歌

蜀中試院闕且整垣宇周遭一千頃偶逢汲者問初基
指點前朝八角井高皇諸子獻王賢翦葉西川建火藩
冶就黃金貼地賤織成文錦濯江鮮平生好古校讐熟
剗剗褒貶設曹局妙選傾城但掌書旁招名宿惟教讀

天人帝子秀才風纈服承先世德共設險巖疆磐石固
遨遊陸海畫圖雄繁華當日真無敵此井宮中亦生色
輓轡聲曉促紅妝玉盃泉甘鬪茗格忽然秦楚妖星播
劍閣夔門連日挫夜半驚呼黃虎來殿前飛報成都破
掖闈好弄不操兵十萬豺羆已薄城北地豈能興漢社
包胥枉自哭秦廷倉皇骨肉無遺種翻身入井波聲洶
珠玉美人狼藉填寒泉頓作埋香冢天府金城擅富強
可憐一炬等咸陽至今月黑天陰際時有鵲啼出苑牆
銀床桐葉還依舊碧血不知曾化不禍水從無綆綯施
哀音防與蛇龍鬪我聞此語重欷歔陵谷滄桑何代無
欖槍掃盡天空闊唯見文光射斗墟

遊草堂謁工部石刻像

慘澹戎車會流離飯顆生乾坤方禪讓豺虎正縱橫竄
迹投同谷攜家避亂兵入川行李定斲手草堂成梓閬
飄蓬轉風塵逐路驚淹無三載久懷有百憂并水檻沙
崩石花開蜚趁鶯祇因嚴僕射重返錦官城客自哀王
粲狂能恕禰衡郊扉頻檢校使節偶逢迎稷契身聊寄
陰何句力爭參軍新束縛供奉舊恩榮戀闕蒼茫感恩
君涕淚聲杜鵑啼血嗟精衛竭愚誠孰竝陳主駕長齊
李白名朝宗江漢合孤竹鳳皇鳴地據千秋勝祠經歷
劫更清高瞻石像蠲潔薦湘蘅竹粉垂垂滴橙林撼撼
欂十姨謫幸免殘馥丐猶羸河嶽英靈在溪山氣色明

摳衣如立鷺忻慕執鞭情

吳荔香

鍾喬

邀同曹秋漁

焜

攜樽皇華館言別

畱贈四十韻

女蘿引蔓長孤松挺節勁
颯颯涼飈吹榮悴兩難競
人生重知己聲氣相求應
豈不貴久要分途觀究竟
秋漁奇傑士戛戛有骨性
見義志必爲立言好爭勝
同余舉進士爲政實由甯

指是科試題

到官遂報最遷秩勢蒸蒸

吳荔香一室如懸磬得錢卽揮霍
裘馬交游盛辛苦從軍還小試
營山令爲人固易與胸中有緯經
此皆貧賤交非比斯須敬宦跡
各天涯懽悰難合併麟也少惜
學忝竊司文柄入蜀聞二子鑠
闡勲庶政內外祇一簾

睽隔同逕庭。市月不通風。相思託孤檠。榜發一握手。急如夢初醒。所恨戒道遄。未得積懷罄。二子亦惘惘。黃昏雙駕並。憐余萬里役。攜酒載肴飮。笑談雜今昔。客氣胥蠲屏。巴山夜雨時。不減春明興。黃花明夕爽。紅葉赴秋暝。

遊子返金閨。愛我何以贈。吾曹敦古誼。聊恃此中淨。

永矢在歲寒。意慮初心病。硯齋

陳大文

辱簿尉展驥無由

稱昨日一介。通往復前盟。證雨邨

李調元

不遠來著作。藉

題評出話。露心肝。臨歧脫驂乘。友朋聚散際。如子著楸枰。奉使異浪遊。歡讌同人更平生。飢渴懷愛才。直如命。頗聞蜀吏中有學。追毛鄭。舊雨慰忡忡。新愁增怲怲。未見楊邛州。不遇朱重慶。憑君道鄙賤。紀行詩可訂。逝將

付針砭爲我開眩暝

卽州牧楊潮觀重慶守朱孝純皆一時名宿

謁昭烈武侯陵廟各賦一首

宿草荒烟弔惠陵至今封樹恨難勝幸無玉腕人間出
豈有金刀歷數仍孺子不才終可輔老成垂盡竟何憑
始知鼎足偏安局全仗茅廬一股肱

題詩籌筆驛下馬定軍山祠宇荒陵近英雄古淚斑干
戈禮樂意魚水死生間欲問階前柏虬枝不可攀

司馬相如琴臺

卓王孫女乃知音寡鵠離鸞兩結心只見春風吹鬢影
誰知也譜白頭吟

揚子雲墨池

妄以元談擬聖人門生載酒墨池濱如何奇字平生識
但解濡毫著美新

嚴君平卜肆

跡比壺公獨註經君平肆傍子雲亭過簾不把升沉卜
但向青天問客星

新都令張

允升陪觀八陣圖遺址在彌牟鎮

新都賢邑宰攬轡立彌牟指點三分日經營八陣秋意
中蛇鳥變局外卦圖收莽莽羅沙石累累像豕邱孫吳
奇未演管樂智憑搜江漲何能沒鸛輪不畏蹂摧殘兵
燹劫呵護鬼神謀法物殊銅鼓精心比木牛宗臣憂社
稷王佐步伊周志欲中原定功寧北伐休出師陳後表

吞魏布前籌再度祁山道分屯渭水陬艱難扶漢室形
勢匹夔州夔州亦有八陣圖豈料經綸遠難回氣數適敵方司

馬走營已大星投古蹟傳靈異軍行音杭費講求霜威疑

號令雲族想貔貅白日蒼茫墮雄風髣髴畱案行如累
卵感激暫停騶彼亦書生耳誰爭第一流

德陽道中

細雨溼征衫清光到轡銜霜明一林柿秋碧萬重杉沃
野開天府康衢失險巖空憐千畝竹未得慰飢饑成都多秋
節而苦
不可食

漢州感房次律二首

我愛漢州房刺史鑿池遶郭似杭州金甌久被哥奴破

惟見西湖水自流

高議分藩物望歸陳陶將略竟全非千秋公論存詩史
只有襄陽老布衣

攬鏡

太瘦從嘲飯顆山征鞭辛苦劍門關殷勤說與蘆花道
莫上吟人兩鬢間

鹿頭關弔龐士元

襲璋成大計賴有此人從德望傾司馬清聲敵臥龍才
非安百里軍是失孤鋒靈爽千秋在長依葛相蹤

併祀孔明

祠曰龍鳳

宿雨村醒園用工部遊何將軍山林韻十首

枕園

山面流去所居南村十五里明日復造其廬

跡滯三巴國身遊萬里橋黃花明絕塞青鳥返重霄短
李幽居僻長須突騎招逢迎欣得主造訪有辭遙

滅從聯雙騎天光出郭清樹低常礙馬鳥肥似啼鶯淨
喜除瓜架香聞煮菜羹山家何所有拾橡逐狙行

汎汎波聲活潏江別一支叱牛收水磨呼鴨上陂池徑
亂樵蘇或林深鳥雀知只因游屐過荆棘已教披

漸近醒園路山寒少雜花彎環峯立象詰曲徑奔蛇鱗

鬣看松嫩栝樅想澤賒他年長千尺喬木識君家

園依雲龍

山爲址其旁曰象山李氏祠墓所
在繞舍萬松皆其尊人所手植

柴荆無灑埽今日笑顏開一見忘憂草相思止渴梅榻

懸徐孺下黍具范卿來爲問門前路容誰損綠苔

握手出詩集高詞源湧泉思親新涕淚懷友舊纏綿唱

和聯諸謝評論待老錢

兩村素學詩於錢香翁爲翁所極賞

凋零雙桂後

若箇長西川

楊升庵先生雙桂堂在新都今已廢

飲我卽筒酒春醪麴米香庖烟衝暝溼園菜盆津涼選

忘兒能誦杯乾婦久藏乘醺思振策下界鬱蒼蒼

熹微尋石磴曲徑半臨池直欲謀笮簪相從著接離人

家團竹色秋水瘦魚兒早識溪山美應令畫手隨

雪嶺明晴旭花驄撥亂雲碑前重墮淚身後但遺文

其經

先人拜母衣冠肅論交輩行分

令弟鼎元于是科獲雋故戲之

童時釣

遊處指點復紛紛

一飯南村舍臨歧意若何別人甘語少看客比鄰多敢
忘對床約難爲行路歌回頭問野老使節幾經過

謝雨邨惠川馬駒

不拜叨珍饋名駒果下聞風塵雖未試天骨已空羣蹠
蹠輕梁棧蕭梢刷冀雲須知伯樂意垂顧最慙慙

綿州絕句五首

入蜀殘山到此窮等閒清景似吳中往時柳下眠黃犢
十里香來穠榭風

不到天寒總不杠人家修竹映涪江鷺鷥側眼覩人過
忽趁夕陽飛一雙

鴉軋聲從水碓聞絕憐溪繞似春雲芭蕉葉大櫻欄綠

合破昏黃月二分

清水多魚事亦奇
篴簫喚渡有篙師
移橈漁父村邊泊
臥聽巴姬唱竹枝

澹烟喬木句難搜
游轡重經又暮秋
一樣菊花楓樹裏
翻嫌無蟹有監州

張惡子廟詩

并引

梓潼縣七曲山文昌宮卽惡

亞一作

子廟也按華陽

國志梓潼縣郡治有五婦山故蜀五丁士所拽虵
崩山處也有善板祠一曰惡子圖志云神姓張諱
惡子其先越雋人因報母仇遂陷縣邑徙居是山
其墓在隆慶府梓潼縣東二十里唐元宗僖宗宋

真宗屢加封號自後世惑於道家者流謂帝命梓
潼掌文昌府事及人間祿籍遂以張仲實之且有
化身之說元時更號爲帝君明宏治間釐正祀典
禮臣已言之矣其誣妄固不待辨張獻忠破蜀云
神託夢故梓潼獨全居民媼之廟舊有賊像今毀
余過梓潼登山謁神廟乃作詩云
幾時奎斗宿聯張祀典虔修七曲岡見說神威能懾賊
指揮何必助姚萇

劍關讀平襄侯碑

葛始姜終漢社墟詭謀克復究何如
沓中陰雨麥空熟
涿縣野風桑已疎
斷臂漫畱公
炎疏存心猶識孔明書

陰平橋外當年恨密表深宮竟子虛

登劍閣懷古

飛鳥不敢傷森森鐵氣涼閣懸雙劍逼徑絕一夫當躍
馬公孫僭投戈漢代以偏安不務德何地是金湯

昭化過費敬侯墓

清秋玉座薜花廳

玉座秋苔長墓坊間題句也

憑弔葭萌古堞隅丞

相歸來公望重尚書死後盡臣孤定評甲乙如誅懿妙
令頻頻久折吳焉得可人常辦賊漢家殘局已模糊

登千佛巖諸龕望江遂循徑出朝天峽四首

諸天不可到乃在嘉陵潯半壁世界開鑿佛恆沙數韋
抗肇功德入道伏羆虎後來千百年金碧變塵土雨花

長莓苔益此頭角古身壞佛亦恫信者半商旅梯山施
莊嚴冀免龍象怒隨喜竟通道爭說佛慈普至今龕室
間不敢畱宿莽振策登上方題名尙可睹

題名者有段文昌王欽若

呂大防諸人字法俱道勁宋元碑勒亦未漫滅

飄飄不住天江水流自在憑空大寶樓倒景破蒼翠其
旁桔柏渡羌白紛來會漲消石齒出灘急波聲大鵝鵲
眼俱明時起弄烟靄幾點下峽帆渺在夕陽外昔余鼓
楫遊岸樹疑繡畫今茲萬木空黃葉滿江碎時序忽已
邁顧瞻增感喟下山尋微蹊復此試新隘

猿鳥畏千仞魑魅爭一綫仄徑臨江開單騎不容旋石
角怒而裂谿徧利戈剗膚寸不受土皴如野叟面中蟠

古樹根木石渾難辨上結太始苔疑是碧血變覓哉飛
仙閣欲上股先戰結構碣磴微坐臥僕馬倦落日銜半
規諸山光怪現火雲燒益州奇景偶然見

武侯籌筆地萬古悲風號漢賊不雨立六出兵機勞方
其握神算指顧無蕭曹天意祚興亡宗臣事業凋空令
慘澹志江水長滔滔日暮舊山青我馬黯不驕俯視苴
侯國繞城殷去聲奔濤猛虎閃深箐杜鵑啼故巢衣裳下
白露霑溼及鞭鞘出峽莽回顧身經天半高籌筆驛在朝天峽上

龍門閣

雙壁夾而立一山作良覆其下門洞開營窟龍爲畜蒼
鬱凝雲肥蔽虧白日瘦風吹草木腥雷逼之而鬪不知

何年闢幽墨失通透奮脊走蝸蛸無人窺徑竇蹇嶺連
鉤梯峻阪巧結構漢水流其前嘉陵繞其後名同天山
西亦名慈嶺路隔嶠豕又羣峯弄佛髻爛漫出深秀攀陟氣
悄悄馬足戒載驟行役亦已疲明朝辭漢壽

龍洞碕

即龍門閣

觀四山紅葉

四圍萬壘亂迷離蒼翠丹黃整復欹彷彿金山寺前見
滿江波浪浴霞時

七盤嶺

在秦蜀接界非褒口之七盤嶺

武都山勢壯關隘絕天橫馬踏層雲亂人隨獨鳥輕過
秦諸舊險出蜀謝殘程紅葉前頭路千盤達帝京

出蜀四首

衝炎辭 北闕益部客星占使節詩篇富遊囊藥物廉
當歸真有寄蕙苴喜無嫌獨鶴重霄外清風正戒嚴
碧雞坊外路白馬戍前程豈忘垂堂戒而爲叱馭行知
還今日意靡及去時情乘傳叨 殊寵艱難不夢驚

諭蜀誇司馬祈神喪子淵 聖朝今一統來者又三年
良馬無遺相冤禽莫浪填區區懷抱在揮手謝山川

造次憐天短崎嶇覺驛長聞雞催曉夢畏虎逼斜陽暝

作千峯黑霜饒萬木黃載將清景去珍重翠雲廊

明正德間

劍州牧李璧於閤道植柏三萬株東至昭化西盡梓潼
後牧喬鉢名曰翠雲廊今所存者千百之什一矣

雨度五丁關二首

破暝上崔嵬颯然秋氣緊雨落半山中人在紅樹頂

睂際出溼雲不覺狐裘單轡頭受嵐氣不知馬骨寒

金牛峽滴水巖馬上作

蜀山非不佳險絕不可度尻首旣顛倒神魂亦恐怖今
朝金牛道緩轡當安步豈無羸蹶虞卻得幽深趣四圍
如立鐵巖石譎而怒轆轤懸古藤陰森欹怪樹泉從木
葉飛雲逐溪流吐炎晝不知晴亭午忽如暮昔我初往
時美景紛無數明媚秋海棠崖端泣珠露蝶翅大於輪
亂撲馬頭住峽水自東流風光已非故習苦易進退衣
履慣潦霧仰面貪看山俯身熟尋路賦詩如追匹一失
難再遇往往高興發錯用古人句漢中形勝窟及此難
喜懼出峽連山斷安穩向前去一氣關洪濛夷險在指

顧乃知造化奇五丁說罔據

大安驛夢與夢樓論詩卻寄

天下紛紛數才子無人得似夢樓閒身歸浴鷺飛鳧裏
名在祥麟威鳳閒與我十年交不薄論詩千里意相關
三泉縣北今宵夢親向瓜州渡口還

沔陽竹枝四首

山城水郭著人家烟櫂霜篷枕岸斜濁檢鮒魚清檢鰕

也隨春漲上桃花

清濁檢見
華陽國志

鰲侯墳對武侯墳時有神鴉弔夕曛簫鼓年年賽諸葛
杯醪不到左將軍

癯男癯婦兩無猜衣領家家盡闊裁潭毒關前趁墟去

女郎廟下踏青迴

郎心如漾水悠悠
沮口潛通河漢流
妾意但憐嶠豕在
出山爭得再回頭

武關遇張醴泉前輩之官綿竹

名世舉由翰林改官

天險陳倉道相逢
欲涕零文名同
不白客眼兩俱青
登頓隨家口艱難
數驛亭好移蓬闥
日還照綠莎廳

畱壩雨發午霽

雨來兼落木
齊走甲兵聲
岸圻水猶怒
天開雲正生
獮援收果細
鸚鵡喚人清
卽事多瀟灑
身如畫裏行

漢中守翁明遠

耀

邀遊漢臺往返值其行役遂

不果約途遇南星賦別

夙昔聞天漢中原占一方遠山環雍益秋水到荆襄五
馬聯翩出雙臺突兀望臨歧重回首情與白雲長

明遠以漢中乾桂花相餉

故園香屑賤如泥每到中秋便目迷七載漫離金粟住
一枝難傷小山棲漢臺樹老爭蟾窟太守情多致馬蹄
他日歸朝分餉客恍疑風露袖中攜

十月朔日鳳嶺馬上遇雪戲作

使臣曾讀古時書昔往今來記出車大散關應寒到早
小陽春已雪飛初去天太近風尤逼到地旋消片尙疎
安得玉卮纖手奉送余一路倒騎驢

舊傳鳳有三
絕手柳酒

箭雲篇

山中藏山山境曲雲外出雲雲陣複昨宵我已宿雲窩
晨起兜羅縣滿目一朵無意生一朵有意迎千朵萬朵
倏會合融成一片玻璃屏我欲讓雲雲不讓翻身直騎
雲背上心搖目眩口呿呀呂端頓作糊塗狀近峯遠嶺
都封住輿夫踏空不踏路幸有天光四下垂信步行來
未顛仆突然一騎走近身對面細認方知人來蹤去跡
杳莫測縹緲豈是雲中君囊亦不須鎖手亦不須拏尻
輪神馬御八極但聞萬壑之水聲沙沙惜哉下界看不
見見之疑我爲仙家世上控搏何物是赤城霞標滄海
市想見鴻濛未闢盤古前元黃混沌只如此探幽入嶮
歷漸高腳底雨氣侵征袍須臾妹喜來裂帛寸寸飛落

空林梢白衣蒼狗紛懔懔咫尺求之滅迹象不教神女
夢襄王又見青天逢樂廣

緯夫辭

客行雲棧中艱哉何崎嶇涉足卽嶮峻策馬不敢踰復
苦腰腳弱舍轡乘肩輿與肩輿亦脆艱我僕行次且往往
集羣力方無顛厯虞紛拏施旱緯不與挽舟殊自從鹿
關來所過聞喧呼喧呼亦何爲點丁當緯夫伶俜雜老
羸臃腫懸癭胡曳掣旣如乙偃僂復似勾下山作倒挂
上山作先驅疑學謝公屐前後齒互除有時轉山腰雙
搗礙盤紆曲鉤暫脫餌直經仍張弧急行或從從窘步
常跌跌比肩一繩雁接踵同隊魚哀彼瘁勞者賦命儕

騾驢兩腳慣踏雲從未經康衢縣符催應役應役敢踟
躕稍遲遭吏嗔鞭撻無完膚健卒更督之慮其中路遭
得替乃放歸飢腸鳴轆轤行行黃牛堡日色在桑榆人
烟何稀少當戶只婦姑有吏叩頭白實誤官程途平明
達官過叱咤風雲如悉被搜捕去百呼一應無願官稍
停待庶免吏罪辜余謂吏不然此地窮家居豺虎多於
人人往室盡虛公家固有程孰不效勤劬一身充一職
來往難兼需如余使西蜀弗復到東吳與其下車待何
如上馬趨王人縱尊貴未失千金軀搖鞭逐飛鳥作詩
布區區

二里關出棧二首

去日初嘗險心驚二里關金城南斗外玉壘白雲間匹

騎隨猿鳥三時閱往還重來經石鼻不覺損朱顏

蘇詩石鼻

城卽此地武侯所築以拒郝昭者

歷歷陳倉路前頭隴蜀分道岍通渭水燒棧失秦雲豁

目殘山斷關心旅雁聞幸逢同歲友翦燭話離羣

謂寶雞令

陳鳳舉

宿寶雞懷新城王文簡公

雍梁之間天下脊萬山塞破蒼穹窄鉤聯斷續似有情
曲折向背都無迹忽人忽獸出奇怪或險或平同氣脈
乃知大塊著文章無一筆複一筆直詩家布格何不然
此祕千秋幾人識堂堂當代王尙書才名高與青邱俱

丙王逢子兩入蜀雕鏤物象窮川塗或言是集乃補作
幻景直恐難追摹修飾雖乏性靈趣雅音終是調笙竽
作詩必欲規杜甫得毋貽笑詒癡符輅材遠愧扶輪手
使程卻繼先生後已知尺璧重連城漫以千金享敝帚
輜軒所到亦得句下筆先期脫窠臼寶雞城南倒濁醪
自讀新詩自擊缶聊將清興荅溪山敢向前賢論石斗

寶雞道中懷秋帆觀察

有客重過賣酒樓雁聲搖落惹離愁前途華嶽分吳嶽
詩蹟秦州敵劍州哀怨似居潘岳省君去年喪偶迢遙難覓
鄭莊郵無情汧渭東流水嗚咽從來出隴頭

馬伏波墓

飛鳳山南野草秋，鳶聲長嘯使人愁。
威靈銅柱先諸葛，潦霧蠻谿媿少游。
馬革有情屍可裹，雲臺無命像難留。
滿墳薏苡離離實，還擬明珠幾斛收。

重題馬嵬二首

漢寢唐陵半已荒，銅駝荆棘有誰傷。
卻餘一角楊妃墓，畱與癡人替斷腸。

不作河東妬女津，九原粉黛有餘春。
美人似恨西方少，身死猶教美別人。

志載婦人取冢上調粉傳面可滅癰瘡

咸陽道中

太乙山光天外開，咸陽原上秋風哀。
灃川渭川水蒼茫，白閣紫閣雲往迴。
漢家陵墓布碁子，秦世宮廷餘劫灰。

行人繫馬古楊下時有野鳥啼去來

秦始皇塚

銀海三泉下弩機幽宮欲張祖龍威誰知瑩獻平舒後
猶有蓬萊使未歸

渭南道中偕筆山馬上賦詩

聯騎因聯句秦川薄暮天日斜人影瘦路直馬蹄圓少
華明秋色新豐變晚烟清詩吟不穩失笑落珊瑚鞭

華山下作

一山面背別陰陽背是秦川面是梁早得愚公移別處
省余踏遍萬羊腸

拜楊伯起墓

堂上三鱸集喪前大鳥臨生非受諫日死有濟時心傾
倒關西傳低徊華岳陰不知紆綬者幾輩卻黃金

重抵潼關渡河

霜風吹遊子驅馬過潼關落葉飛不盡孤雲相與還回
頭空嶽樹交臂失荆山問渡黃流怒人爭一線閒

是日大風

鳴謙驛送家簡田兄堃至潞安兄館陽曲先期

遲余驛舍相見握手如夢中出見懷詩四章相
示一章用東坡見月懷子由韻三章俱用余飲
河東郡齋韻余亦以紀行詩屬訂謹論竟夕五
更別去意思殊惘惘也兄方領潞安志局故篇
末及之

軾轍本兄弟自喻賢友生別離十日過詩句連章賡吾
兄超越姿友愛由天成密意獨我注高談良自矜京華
對床日如影之隨形忽爲河中遊不得同寢興徒然唱
和句絡繹煩郵鈴春盡眾芳歇辭繁尺素憑遣書被顧
問中及遊子情謂當將母去羞逐達與萍歸養子負米
辭親余秉衡衝炎奉朝節努力事西征盤迴棧閣中
見月恆思兄思兄如此月皎潔有光明往返萬里役棲
遲半歲程還轅及蒲阪相遭李惠登永濟令燒燭論出
處銜杯話親朋知君漂泊跡猶滯汾陽城徐吾脣齒邑
輜輶辱逢迎百里壤交錯懽悰無計并嚴霜殺落木朔
風生行旌走卒致書札字數殊星星寒暄不及道一語

煩丁寧預恐交臂失苦遲王胡垌一雁西南來一雁東
北停忽然單隻影吹作雙飛翎浮雲夙相失呼叫餘淒
清不知歲時變但覺顏色更久別旣戚戚暫聚翻怛怛
勿言暫時聚點燈酌清醪酒薄不能醉愁深不可醒欲
知暫聚苦明星將熒熒欲知久別苦滿篋詩瓏玲不忍
遽卒讀中含涕淚聲上言少失怙門戶憂伶仃次言終
鮮弟永歎思鵲鴿次言余與汝生小本同齡揚華豈秋
落含采莫春驚終言相思切魂與夢寐爭料弟亦如斯
別恨常盈盈其閒性情語足動頑者聽雄才希玉局陋
腹慚子京梁州落吾手志欲窮青冥刻畫禿毛穎淋漓
災剡藤不辱山水不題品期歐曾試較舊聲價一洗時

愛憎飢餓怒敵器倦僕僵觸屏論文興未已膏秣催邁
行問君遊何方逝將赴虎亭綜領郡志局責重愁難勝
此事吾能說願君一再聆作志如作律用筆如用兵胸
存班范體履核桑郭經直簡效董史浮夸驅左眚此日
一筆削千秋關勸懲莫讓康武功七篇專令名

井陘道中苦寒

塵沙獵獵五陘關萬里征夫策騎還禿樹尙疑張漢幟
遠峯眞似倚冰山煖湯濯足蘇重繭薄酒澆腸起病顏
忽見輿丁長鬣凍少年人已二毛斑

卽次井陘

眼飽丹青不耐看征人遊倦更天寒水流一碧故灘失

山落千黃新徑寬披絮太行雲欲凍折鐙清苑月將殘
差憐白菜肥於肉急煮香芽趁晚餐

安肅食菜

魚肉孕腥膿燂魚餘臭穢是皆腐腸藥不斲則爲害菜
根乃貧交甘苦久能耐澹泊比菽粟和平非薑桂幽并
產黃芽品與南筍配經霜玉甲肥出土檀心脆大者重
百斤致遠由馱載鼎鐘賤不羞酸腐見而噉余生媿素
餐藜藿侑麤糲豈無玉糝羹亦有金齋膾論其適性物
每飯斯爲最承乏西土遊詎敢東道累卻蒙地主恩日
與羔豚對下箸輒哽咽流涎到蕨芥徒觀童僕饗且恣
口腹快斗酒一燕肩割啖如樊噲有客瑁璫流忽起夥

小東有集 卷六
頤怪子豈肉食姿傳食無乃泰深慙客語詫滋味余能
話去食榆次瓜來食安肅菜

抵良鄉縣計明發當入國門喜而有作

萬水復千山他鄉更異縣西州形勝地指數閱幾遍霑
溼畏漏天崎嶇怯燒棧莫言行役苦仗節馳郵傳路有
歷塊駒梁有依人燕永懷

聖主恩內熱腸輾轉去日槐飛花今來衣集霰黃氣盈
兩睂詰朝謁金殿

悅親樓詩集卷六終

門人施有容校字